

Tupanit nioqqusiat nalunaaqutserneqartarneri pillugit Namminersorlutik Oqartussat nalunaarutaat nr. 6, 10. april 2015

Tupa avatangiisinillu pujortarfiunngitsunik isumannaarineq kiisalu tupanik nioqqusiat nalunaaqutserneqartarneri pillugit Inatsisartut peqqussutaanni nr. 10-mi, 14. november 2004-meersumi § 10 imm. 2 aamma § 14 Inatsisartut peqqussutaanni nr. 6-imi 26. maj 2010-meersumi allanngortinneqartoq naapertorlugu makku aalajangersarneqarput:

Atuuffissat

§ 1. Nalunaarut tupanik nioqqusiat Kalaallit Nunaannut tuniniagassatut eqqunneqartut mianersoqqutitaannut atuuppoq.

Nassuiaat

§ 2. Nalunaarummi matumani taaguutit ataani taaneqartut ima paasineqassapput:

- 1) "tupat poortat": poortaq imaluunniit tupanik tuniniaanermi poortakkaarlugit tuniarneqartartuni poorineqartoq sunaluunniit,
- 2) "mianersoqqussut nalinginnaasoq": mianersoqqussut § 3 imm. 1-imi taaneqartoq,
- 3) "mianersoqqussut katitaaq": mianersoqqussut tassaasoq assiliaq takussutissarlunniit alla oqaatsit mianersoqqussutit tassunga tunngasut ilanngussaq 1-imi taaneqartut ilanngullugit.

Mianersoqqussutit oqaasertaat

§ 3. Poortat tupanit nioqqutissianik imaqartut tamarmik mianersoqqussutit nalinginnaasut uku arlaannik oqaasertalerneqassapput:

- 1) "Pujortartarneq toqquutasinnaavoq" imaluunniit
- 2) "Pujortartarneq ilinnut avatangiisinnullu annertuumik ajoqutaavoq",

Imm. 2. Taamaakkaluartoq Imm. 1-imi aalajangersagaq tupanut pujuliunngitsunut atuutinngilaq, taakku mianersoqqussummik uannga oqaasertaqassapput: "Tupanit nioqqusiaq manna peqqissutsimut ajoqusiisinnaavoq pinngitsoorsinnaajunnaarnermillu kinguneqartarluni".

Imm. 3. Imm. 1-imi mianersoqqussutit nalinginnaasut taaneqartut tamarmik atorneqassapput akuttunngitsumillu paarlakaattarnissai naqinneqartarnissaallu isumannaarneqassaaq.

Imm. 4. Imm. 1-imi mianersoqqussutit nalinginnaasut taaneqartut imm. 2-milu mianersoqqussut taaneqartoq poortap sinaanut ersarinnerpaap aappaanut naqinneqassaaq.

Imm. 5. Tupanit nioqqusiat poortakkaarlugit tuniarneqartartuni tuniniaanermi atorneqartumik qalleqqillugit poorneqarsimappata taava mianersoqqussutit imm. 1-imi taaneqartut mianersoqqussut imm. 2-milu taaneqartut poortamut tassunga aamma naqiterneqassapput, tassa poortaq akimut ersinngippat.

§ 4. Tupanit nioqqusiat poortat tamarmik mianersoqqussummik katitamik ilanngussaq 1-imi nalunaarsukkat akornanneersumik pilerneqassapput.

Imm. 2. Taamaakkaluortoq Imm. 1-imi aalajangersagaq tupanut pujuliunngitsunut atuutinnigilaq.

Imm. 3. Mianersoqqussutit katitigaasut imm. 1-imi taaneqartut tamarmik atorneqassapput akuttunngitsumillu paarlakaattarnissai naqinneqartarnissaallu isumannaarneqassaaq.

Imm. 4. Imm. 1-imi taaneqartut mianersoqqussutit katitigaasut poortukkap sinaani ersarinnerpaat aappaannut naqinneqassapput.

Imm. 5. Tupanit nioqcutit poortakkaarlugit tuniniarneqartartuni tuniniaanermi atorneqartumik qalleqqillugit poorneqarsimappata taava mianersoqqussutit imm. 1-imi taaneqartut aamma poorisamut tassunga naqiterneqassapput, tassa poortaq taanna akimut ersinngippat.

Mianersoqqussutit ilusii

§ 5. Mianersoqqussut nalinginnaasoq § 3 imm. 1-imi taaneqartoq aamma mianersoqqussut § 3 imm. 2-mi (tupa pujuliunngitsaq) taaneqartoq saneqqami pineqartumi qaavata minnerpaamik 32 procentia qallersimassavaa.

Imm. 2. Mianersoqqussut katitigaasoq § 4 imm. 1-imi taaneqartoq saneqqami pineqartumi qaavata minnerpaamik 45 procentia qallersimassavaa.

Imm. 3. Poortami nioqcutissanut allanut cigarettiunngitsunut atugassaasuni qaavi ersarinnerpaasut 75 cm²-mit anginerusut, mianersoqqussutit § 3 imm. 1-imi aamma § 4 imm. 1-imi taaneqartut qaavata angissusia minnerpaamik 24 cm² qallerisimassavaa.

Imm. 4. Poortami nioqcutissanut allanut cigarettiunngitsunut atugassaasuni mianersoqqussutit § 3 imm. 1-imi aamma § 4 imm. 1-imi taaneqartut nipittartoq ilisarnaat atorlugu inissinneqarsinnaapput, ilisarnaatit nipittartut taakku peerneqarsinnaanngippata. Ilisarnaatit aalajangersarneqassapput angissutsit pingasut atorlugit, ilisarnaat sapinngisamik annerpaaq poortamut ataatsimut atorneqarluni. Kalaallit Nunaannut nioqcutissanik eqqussuisoq pisinnaatitaavoq nammineq ilisarnaatit nipitinnissaanut, tamanna niuertarfinnut tuniniannginneranni pissappat.

§ 6. Mianersoqqussutit § 3 imm. 1 aamma § 4 imm. 1 naapertorlugit allassimasussat ima isikkoqassapput:

- 1) Ataanut qaqortuusumut naqinnerit Helvetica atorlugu qernertumik, silittumik naqinneqassapput.
- 2) Naqinnerit angissusaat imaassaaq tassunga allatassat allaffigisassap sapinngisamik annerpaartaa ulikkaassallugu.
- 3) Naqinnerit mikisut atorlugit, oqaaseqatigiinni naqinneq siulleq kisiat pinnagu oqaasilerinermillu tunngaveqartumik piumasarineqartillugu.
- 4) Allatassap naqiterneqarfissaata nalaagut qeqqa aallartiffigalugu, poortap qaavata sinaa malillugu.
- 5) Qernertumik minnerpaamik 3 mm-isut annerpaamillu 4 mm-isut silitsigisumik kaajallallugu sinaakkuserneqassaaq mianersoqqussummik paasissutissamilluunniit arlaannaatigulluunniit innarliinngitsumik. Sinaakkutaq qernertoq taanna sinaani pineqartumi qaavata minnerpaamik 32 aamma 45 procentianut aammalu qaavata 24 cm²-ianut § 5 imm. 1, 2 aamma 3-mi taaneqartunut ilaatinneqarsinnaavoq.
- 6) Kalaallisut aamma qallunaatut.

Imm. 2. Imm. 1 nr. 5-imi aalajangersagaq tupanut pujuliunngitsunut atuutinngilaq.

§ 7. Allatat mianersoqqussutit poortukkami akitsuutip allagartaanut naqinneqassanngillat.

Imm. 2. Allatat mianersoqqussutit ima naqiterneqassapput peerneqarsinnaajunnaarsillugit piiarneqarsinnaajunnaarsillugillu.

Imm. 3. Allatat mianersoqqussutit tarrisinneqarsinnaassanngillat, qallerneqarsinnaassanngillat imaluunniit allatanik assinilluunniit allanik akornuserneqarsinnaassanngillat aamma poortap ammarneratigut.

Imm. 4. Tupanit nioqqusiani allani cigarettiuunngitsuni allatat nipittartoq ilisarnaat atorlugu inissinneqarsinnaapput, ilisarnaatit nipittartut taakku peerneqarsinnaanngippata.

Pineqaatissiisarnerit

§ 8. Nalunaarummi matumani aalajangersakkanik unioqqutitsinermit akiliisitaasussanngortitsilluni pineqaatissiisoqarsinnaavoq.

Imm. 2. Kalaallit Nunaanni pinerluttulerinermit inatsisini aalajangersakkat naapertorlugit inuk inatsisitigut pisinnaatitaasoq pisussaataasorlu akiliisitaasussanngorlugu pineqaatissiisoqarsinnaavoq.

Imm. 3. Akiliisitsinerit imm. 1-2 naapertorlugit aalajangerneqartut Landskassemut nakkartinneqassapput.

Atuutilerfia

§ 9. Nalunaarut atuutilissaaq ilisimatitsissuteqarnerani.

§ 10. Nalunaarummi aalajangersakkat tupanik nioqqutinut ulloq 01. 05. 2016 sioqqullugu Kalaallit Nunaannut eqqunneqartunut atuutissanngillat. Augustip aallaqqaataata 2016 kingorna taamaallaat tupanik tuniniaasoqarsinnaavoq nalunaarummi aalajangersakkanik eqquutitsisunik.

§ 11. Nalunaarut atuutinngilaq sumiiffinni danskit-Amerikamiullu illersornissamut sakkutooqarfiini, isumaqatigiissut 27. april 1951-imeersoq naapertorlugu pilersinneqartuni kingusinnerusukkut allanngortinneqartoq Kalaallit Nunaata illersornissaa pillugu naapertorlugu pilersinneqartuni.

Namminersorlutik Oqartussat, ulloq 10. april 2015


Martha Lund Olsen


Julie Præst Wilche

Ilanngussaq 1

Mianersoqqussutit katitigaasut tupat puuini Kalaallit Nunaanni tuniniarneqartartuni atorneqartussat

Arlariinnik mianersoqqussutit



Pujortartarneq inuunermik sivikillisisarpoq
Ryging nedsætter levealderen

Inuunertik tamaat pujortartartut ukiut agguaqatigiisillugit 14-it inuuffissaraluatik annaasarpaat
Pujortartameq inuunermik sivikillisisarpoq


Livslange rygere mister i gennemsnit 14 år af deres liv
Ryging nedsætter levealderen



Pujortartameq toqussutaasinnaasumik puatsigut kræfteqalissutaasarpog
Ryging forårsager dødelig lungekræft



Pujortartameq toqussutaasinnaasumik puatsigut kræfteqalissutaasarpog
Ryging forårsager dødelig lungekræft



Pujortartameq annertuumik pinngitsuulsiinnaajunnaarsitsisarpoq. Aallarteqlnak
Ryging er stærkt vanedannende. Lad være med at begynde

Pujortartarunnaarit, uummatikkut puatsigullu toqussutaasinnaasumik nappaateqalersinnaanerit annikillisinlarukku
Hold op med at ryge, hvis du vil nedsætte risikoen for dødelige hjerte- og lungesygdomme



Pujortartamerup kingunerisinnaavaa anniarluni arriitsumik toqjartomeq
Ryging kan medføre en langsom og smertefuld død



Pujortartamerup kingunerisinnaavaa anniarluni arriitsumik toqjartomeq
Ryging kan medføre en langsom og smertefuld død

